



Headlines

- उपराज्यपाल मनोज सिन्हा होरें खीर भवानी मेले च हिस्सा लैंदे होई आखेआ जे श्रद्धालुएं दी इस बरे खरी मती गिनतरी च आमद संदोख आहली गल्ल ऐ।
- मुख्मन्त्री उमर अब्दुल्ला होरें आखेआ जे पूरी पराती रणनीति, साफ खाका भविक्ख च रोजगार, नमिएं काहडें ते हुनर लेई अपनया जा'रदा ऐ।
- विदेशी मामलें सरबंधी संसदीय स्थाई समिति नै जम्मू दे पासपोर्ट सेवा केंद्र दा दौरा लाया।
- पुलस नै जमात-ए-इस्लामी कन्नै सरबंध रखने आहले ओ.जी.डब्ल्यू दे घर ते कुलगाम जिले दी केई सारी थाहें पर छापेमारी कीती।
- पुंछ जिले गी नमीं दिल्ली च आयुष्मान भारत पी.एम.जे.ए.वाई सेहत स्कीम दी बेहतरिन अमलावरी लेई SKOCH सम्मान कन्नै नवाजेआ गेआ।



LG-Kheer Bhawani

उपराज्यपाल मनोज सिन्हा होरें अज्ज ज्येश्ठ अष्टमी दे मौके पर गांदरबल जिले दी तुलमुला थाहर माता खीरी भवानी मंदरै च मत्था टैकेआ ते जम्मू-कश्मीर दी तरक्की ते खुशहाली लेई कामना कीती। सख्त सुरक्षा बंदोबस्ते हेठ केई सारे कश्मीरी पंडितें अज्ज इस सालाना मेले च हिस्सा लैता। उपराज्यपाल होरें आखेआ जे इस खुशी दे मौके गी देसै दे हर इक हिस्से थमां आए दे श्रद्धालुएं कन्नै सांझा करना बड़ा मता खास ऐ। मगरा पत्रकारें कन्नै गल्लबात करदे होई उपराज्यपाल होरें इस गल्लै पर संदोख प्रगट कीता जे इस ब'रे श्रद्धालुएं दी गिनतरी पिछले ब'रे दे मकाबले मती ऐ। उनें आखेआ जे ओहू जम्मू-कश्मीर च लगातार अमन-शांति ते खुशहाली लेई प्रार्थना करदे ना। इस मौके पर बोलदे होई उनें आखेआ



CM-Interaction

मुख्मन्त्री उमर अब्दुल्ला होरें उत्तरी कश्मीर दे बांडीपोरा जिले च कालेज दे विद्यार्थियें कन्नै गल्लबात कीती। गल्लबात दरान रोजगार बारै इक विद्यार्थी आसेआ पुट्टे गेदे सोआलै दा परता दिंदे होई मुख्मन्त्री होरें आखेआ जे इक पक्की रणनीति अपनाई जा'रदी ऐ ते अज्जै दे बदलदे समें मताबक रोजगार, सरकारी नौकरियां, उद्यमिता, नवाचार, हुनर ते भविक्ख लेई इक खाका तैयार कीता जा'रदा ऐ। उनें आखेआ

तोआई, इक होर विद्यार्थी आसेआ असफलता बारै पुच्छने पर मुखमंत्रीहोरें आखेआ जे हर मसीबत बेहतर करने दा इक मौका उपलब्ध करांदी ऐ ते कोई बी नाकामयाबी खीरी नेई हुंदी। मुखमंत्री होरें इस बारै अपने बचार सांझे करदे होई आखेआ उस मुश्कल समें च अस कियां अगगे बधी सकने आं, जेहडा स्हाड़ी योजना या मरजी मताबक नेई होऐ ते कियां उयै मुश्कल समां स्हाडा सब्भनें शा बेहतरिन शिक्षक हुंदा ऐ। उनें आखेआ

<><><><><><>

PSC-PSK

विदेश मामलें बारै संसेद दी स्थाई समिति नै कांग्रेस दे सांसद शशि थरूर हुंदा अगुवाई च जम्मू च पासपोर्ट सेवा केंद्र दा दौरा लाया। इस मौके पर पत्रकारें कन्नै गल्लबात करदे होई शशि थरूर होरें आखेआ जे दिल्ली थमां आए दे विदेश मंत्रालय दे नुमाइंदें क्षेत्रीय पासपोर्ट दफ्तर कन्नै गल्लबात कीती ऐ। एहदे अलावा पुलस ते डाक विभाग कन्नै बी गल्लकत्थ कीती गई ऐ। उनें आखेआ जे इलाके च पासपोर्ट जारी करने च चिर लगने करी सोआल पुट्टे गे ना। उनें इब्बी आखेआ जे उंदा मकसद ऐ जे कश्मीर, लेह, श्रीनगर ते जम्मू च आवेदकें लेई पासपोर्ट उपलब्ध कराने आले प्रक्रिया च सुधार ते एहदी असरदार अमलावरी यकीनी कीती जा।

<><><><><><>

DC-Ramban SANJY

औंदी श्री अमरनाथ जी दी जात्तरा दे मद्देनजर रामबन दे डिप्टी कमिशनर मोहम्मद अलयास खान होरें लम्बर थाह जात्तरा शिविर दा दौरा लाया ते कीते गेदे इंतजामें दा जायजा लैता। उनें सलाना जात्तरा गी बवस्था आहले ढंगै सिर सम्पन्न करोआने लेई कीते गेदे इंतजामें दा निरीक्षण कीता। अपने दौरै दरान उनें शिविर आहली थाह ढांचागत ते होर दुई सुविधाएं सरबन्धी कम्में दा निरीक्षण कीता। उनें साफ-सफाई, रौहने-बौहने दी स्थूलत, पीने आहले पानी, बिजली दी सप्लाई, सेहत सरबन्धी दिक्खभाल, शिडक राबता ते होर दुई जरूरी सुविधाएं दा जायजा लैता। मीडिया कन्नै गल्ल करदे होई रामबन दे डिप्टी कमिशनर होरें आखेआ

<><><><><><>

Police Raids

राश्ट्र बरोधी गतिविधिएं पर रोक लाने सरबन्धी जत्तें तैहत पुलस नै कुलगाम जिले दी केई सारी थाहें पर छापेमारी कीती ऐ। एहदा मकसद कनून बवस्था गी बनाई रखना ते राश्ट्र बरोधी तत्वें खलाफ जारी जत्तें गी बल देना ऐ। एसएसपी कुलगाम हुंदा हिदायतें मूजब पुलस दी टीम नै जिले दी केई सारी थाहरें पर छापेमारी कीती। आधिकारिक सूत्रें मूजब एह छापेमारी संदिग्ध ओवर ग्राउंड वर्कर्स ते जमात-ए-दस्लामी कन्नै सरबन्ध रखने आहले लोकें दे घरें च कीती गई।

<><><><><><>

SKOCH Award Poonch

आयुष्मान भारत प्रधानमंत्री जन आरोग्य योजना सेहत दी बेहतरीन अमलावरी आस्तै पुंछ जिले गी नमीं दिल्ली च SKOCH सम्मान कन्नै सम्मानित कीता गेआ ऐ। मुख्य भरै थमां चुने गेदे किश जिलें च जम्मू-कश्मीर दा छड़ा पुंछ जिला गै अपनी थाह बनाई सकेआ हा। एह सम्मान बड़ी मती महत्वै आहली फ्लैगशिप सेहत बीमा स्कीम दी बेहतरीन अमलावरी लेई दिता गेआ ऐ। एह सम्मान जिले दे सेहत सरबंधी दिक्खभाल आहले सैक्टर च कीते गेदे जत्तें गी प्रोत्साहित करदा ऐ। इस कार्जक्रम दा मकसद लाभार्थी गी म्यारी सेहत सुविधा बिजन नकदी दे उपलब्ध करोआना ऐ।

<><><><><><>

Rana-Cricket

जनजातीय मामलें सरबंधी मंत्री जावेद अहमद राणा होरें मेंढर ओ.पी हिल थाह इंडोर स्टेडियम विकसित करने दी घोशणा कीती ऐ। एहदे कन्नै इलाके दे लोकें गी लम्में चिरें थमां बकाया पेदी मंग पूरी होई गेई ऐ। एहदे कन्नोकन्नी खित्ते च खेड्डु ढांचे गी बी मजबूत थहोग। एह घोशणा मंत्री होरें डा. मसूद चैधरी मेमोरियल चैंपियनशिप लीग 2026 दे फाइनल मैच च शिरकत करदे होई कीती। एह गल्ल उनें खडारिएं दे उत्साह ते हुनर दी सराहना करदे होई आक्खी। उनें आखेआ जे खित्ते दे युवाएं च बड़ा मता समर्थ मौजूद ऐ। उनें आखेआ

<><><><><><>

Banat park Poonch

भारती फौज नै पुंछ जिले दे Banat Dokri ग्रांस च इक खूबसूरत पार्क विकसित कीता ऐ जेड़ा न्याणें ते सैलानियें आस्तै मनोरंजन दी थाह बनी गेआ ऐ। पुंछ जिले शा तकरीबन 2500 मीटर दी उंचाई पर स्थित एह पार्क आले-दोअले दियें प्हाड़ियें ते घाटियें दे खूबसूरत मनमोहक नजारे पेश करदा ऐ। इस पार्क दी इक प्रमुख आकर्षण 105 मीटर लम्में राश्ट्री झंडी दी स्थापना ऐ जेड़ा मकामी बसनीके आस्तै देशभक्ति ते गौरव दा प्रतीक ऐ। एह पार्क इक प्रमुख ते लोकप्रिय थाहर दे रूपै च उभरियै सामने आवा'रदा ऐ। इस बारै अपनी खुशी जाहिर करदे होई इक मकामी बसनीके नै आखेआ

<><><><><><>

Weather

मौसम विभाग नै जम्मू-कश्मीर दे बक्ख-बक्ख हिस्सें च अज्ज हलकी बरखा दे इक-दो बारी फंडाके ते किश थाहरें गर्जी-चमकिए बरखा बरने समेत धूड आहली अंधी-झक्खड दी पेशनगोई कीती दी ऐ। 23 कोला लेइयै 26 जून तगर पूरे केन्द्र शासत प्रदेश च मौसम आमतौरा पर खुशक रौहग- पर किश टांवी-टांवी थाहरें पर हलकी कणी-कणोन दी संभावना सवां इंकार नैई कीता जाई सकदा। मैहकमे दा अग्गे आखना ऐ कि 27 ते 28 तरीक गी किश इलाके च हलकी बरखा ते अंधी-झक्खड दे इमकान न। संवेदनशील इलाके च रौहने आहले लोकें गी मता सौहगा ते सर्तक रौहने ते मौसम विभाग दी सलाहें पर अमल करने लेई आखेआ गेदा ऐ। मैहकमे दे डरैक्टर मुख्तार अहमद

<><><><><><>